

Außführlicher Bericht/

# Des gantzen Verlauffs

zwischen der Kron Schweden vnd Chur-Säch-  
sischen Armeen gewaltiges Treffen / geschehen zu  
Wittstock / den 26. Septembr. Anno 1636.

Dierbey die Verzeugnis

## Aller Kayserlichen vnd Chur- Sächsischen Regimenter / welche bey dem Treffen gewesen.



Anno M. DC. XXXVI

Hist. Suec.

325, 64

*Hist. Suec. 130  
12.*

**D**em Herrn thue ich hiemit advertiren/dz/als am 13. dieses S.  
Excell. von Parchim auffgebrochē/sie sich alsbald vor des Fein-  
des Läger zu Perleberg zu einem Hauptstreich zwey unterschied-  
liche mal præsentiret/wozu sich aber der Feind nicht vntersehen wolle/  
sondern in seinem wolverwahrten Läger sich eingeschlossen enthalten/  
worinnen zwar S. Excell: ihn zu attaquirē mit raisonnabel gefundē/  
seynd derhalben nach Havelberg vnd Werberschanke fort marchiret/ In  
der intention, den Feind nach sich zu solcher örter entsas zuziehen/ vnd  
also zu einer Battaglie zuveranlassē / Aber der Feind hat sich nit ehe auß  
seinem Läger moviret/biß sich Havelberg auff Gnade vñ Ungnade er-  
geben gehabt/vnd S. Excell: seine Schiffe vñ alle Bereitschafft zur Brü-  
cke in dero Gewalt bekommen/ vnd demoliret/ hätte auch an occupirung  
der Werberschanke nit ermangeln sollē / weñ S. Excell: noch eine nacht  
dafür hätte liegen können/vnd nit die rapporten von des Feindes Auf-  
bruch vnd vorhabender Conjunction mit Gen: Majeur Klisingen/der  
mit Bierthalbtausend Mann vor Brandenburg gelegen/dieselbe diven-  
tiret / Gestalt deñ solche Conjunction zuverwehren S. Exc. nun so viel  
mehr eilen müssen/weil bey der Marche sie von dem Commendanten zu  
Brandenburg advertirt,dz er den Ort auff mangel Pulvers dem Feins  
de cedirt vnd sich in Rappin logirt / Vnd weil S. Excell. gesehen/das  
sich der Feind bey Wittstock gesezet/vnd wieder eine feste posture zu fas-  
sen gesonnen gewesen/ So seyn S. Excell. am 24. dieses/ wiewol sie erst  
uber einen zimlichen engen Paß vberfiliren müssen/ gegē den Feind ein-  
gegangen/denselben auch in einer grossen avantage vnd also stehend ge-  
funden/das er hinter einem Wald auff einem hohen Berge/hinter re-  
duicten vnd revelinen/ vnd zwischen denselbē die Wagen vorgeschren-  
cket/seine Battaglie formirt / Nichts destominder haben S. Excell. also  
gegen ihn avanciret/ dz S. Excell: in hoffnung geschwebet/ihn zuver-  
rückung seiner wolverwahrten posture zuveranlassen / haben sie herun-  
ter nach der Stadtwerts an die rechte Seite vnd Spitze des Waldes/  
wohinter ein ende des Berges gestossen/mit dem rechten Flügel geschwen-  
cket/Worauff alsobald/weil der lincke Flügel/in betracht eines gegenste-  
henden Waldes vnd Bergs/zu weit vmbgeschweiffen müssen/vnd so bald  
nit an den Feind gelangē können/ des Feindes ganze force an Reutern  
vnd

vnd Fußvolck auff den Rechten Flügel/ den S. Excell: vnd Herr Gen:  
Torstenson geführet/ mit grosser furie angefallē / vñ sich ein so starckes/  
crudeles vnd continuirlichs Fechten erhoben/ D; der event auff vnser  
Seite/ weil der linckē Flügel gar zu langsam zum chargirē kömten/ auch  
vnser letztes Treffen in der reserve sich sehr verweilet/ in grosser peri-  
cul geschwebet/ Gestalt auch albereit die Generaln Personen an des Fein-  
des Seiten ihren Soldaten persuadiret/ D; S. Excell: entweder todt o-  
der doch gefangen were/ vnd darauff vnter ihnen die victoria außgeruf-  
fen vnd aufgeblasen worden/ Weil aber des Feindes Frolocken nit ge-  
fallen/ so ist Herr Feld Marschall Leslæ eben zu rechter Zeit mit 5. Bri-  
gaden zu Fuß zur secunde kömten/ den Feind zwar manlich poullirt,  
vnd vns zur respiration in etw; Platz gemachet/ aber weil des Feindes  
force zu groß/ vnd der Feind mit macht auch auff ihn gefallen/ vns nicht  
ganz erigiren können/ biß allgemach der Linckē Flügel zu chargirē an-  
gefangen/ Die reserve auch/ wiewol bey einfallender Nacht/ vnd da sie  
zum Fechten nit employret werden können/ vom Feinde erblicket wor-  
den/ darüber dem Feinde der Muth gesunken/ sich irre machen lassen/  
in grosser Confusion das Feld quittet vñ in die Stucht geschlagen worden/  
Viel Fähnlein vnd Standarden/ alle seine Stücke/ Munition vñ Ba-  
gagie hinter sich gelassen/ vñ auff unterschiedliche Wege seine retraite  
gesucht/ Vor solche Victoria nun (weil der Feind in 13. ansehnlichen  
Brigaden zu Fuß vnd 15000. Reuter starck/ vnd diesem Corpore sehr  
vberlegen gewesen/ auch in so einem grossen Vortheil gestanden/ ) ist  
dem höchsten Gott nit gnugsam zu danken/ gestalt dann der linckē Flö-  
gel/ so bey dem Haupt Treffen nicht viel zuschaffen bekönnen/ dem Feind  
in der nachfolge remarquablen abbruch thut/ vnd zu mehrern Progreß  
einen eingang machet. Was von beyden Seiten an hohen vnd nidri-  
gen Personen geblieben/ weiß man noch eigentlich nicht/ doch sollen auf  
des Feindes Seiten drey Generaln geblieben seyn/ als Marazini/ Ge-  
neral Wachtmeister Wilhdorff / vnd General Wachtmeister Golt/  
zween Graffen von Falkenstein/ Ob. Milbe/ Ob. Winse/ Ob. Wil-  
brecht/ General Major Dehne ist tödtlich verwundet/ Auff vnser Sei-  
ten seynd geblieben Ob. Berckhauer/ Saborzki/ Ob. Leutenant Mar-  
sofsky.

An

An Stücken seynd bereits vorhanden in 40. Stück vñ über 200. Fahnen vnd Cornet eingelieffert/ alle Bagagn/Wagen/ darunter Ihr Churfürstl. Durchl. Silberwagen/ Vnd kommen bey Schliessung dieses vnser Partheyen/ so den Feind nachgesetzt/ wieder zuruck berichtet/ daß sie den Feind in grosser Confusion befunden/ ihnen die übrigen Stücke vollends abgenommen/ vnd bey 1500. Gefangene eingebracht.

**Verzeugnis aller Kayserl. vnd Chur-Sächsische Regimenten/welche bey dem Treffen gewesen.**

<b>Infanteri</b>	12 Taubens oder Leib-Reg.	<b>Compagn,</b>
<b>Herrn Graf Hatzfelds</b>	12 Wildsdorff	6 Geersdorff
<b>Corpo</b>	12 Schleinitz	5 Schleinitz
<b>Compagn,</b>	8 Pfordte	10 General Leutenant
7. Pappenheimb	10 Bose	10 Alt Taube
12 Enckeforch	6 Schneider	9 Jung Taube
8. Lambardt	10 Traendorff	5 Seidlitz
10 Hatzfeld	12 Arnheimb	10 Kalckstein
6 Jean de Beere	5 Ponickaw	10 Schierstett
6 Manteuffel	<b>Artilleri oder Drago-</b>	10 Hans von Stachaw
3 Bonighausen	<b>ner.</b>	9 Stamsdorff
10 Salis	6. Oberste Leutenant Vn-	6 Mulce
10 Ehan	<b>ger/ sonst Maschleiner.</b>	10 General Vitzthumb
9 Holtz	<b>Cavallerie</b>	12 Bose
10 Wolckenstels	<b>Herrn Graf Hatzfeld</b>	10 Herzog Franz Carol
10 Bawer	<b>Corpo</b>	<b>General Wachtmeister</b>
6 Zwener	<b>Compagn,</b>	<b>Mrazsimi Corpo.</b>
5 Mansfeld	9 Wildberg	<b>Comp.</b>
5 Westphael	10 Bösingers Curasierer	10 Mrazsimi
9 Gonsago	6 Schönickels	8 Winse
6 Strasoldo	10 Hatzfelds	10 Don Balchasar
6 Herrere	10 Prinz Polnischkaw	8 Sarradezzi
3 Persingers Dragoner	5 Monte Cuculi	8 Trausse
<b>Infanteri</b>	8 Falckenstein	10 Hanaw
<b>Ihrer Churf. Durchl. zu</b>	8 Olesfeld	10 Schabligki
<b>Sachsen</b>	7 New Rittberg	10 Strein
<b>Corpo</b>	5 Darnstade	10 Daen
<b>Compagn,</b>	8 Alt Rittberg	<b>Dragoner</b>
7 Harrach	2 Mansfeld	<b>Comp.</b>
15 Collorede	<b>Cavallerie</b>	10 Hall
4. Alt Wallenstein	<b>Ihrer Churf. Durchl. zu</b>	6 Epte
10 Jung Wallenstein	<b>Sachsen,</b>	8 Mrazsimi
4. Niederumb	<b>Corpo</b>	